



PENGGUNA jalan raya dan murid sekolah mengharungi banjir.

Sekelip mata air pun naik

Batu Gajah: Penduduk sekitar pekan Batu Gajah kehairanan apabila kawasan di hadapan Sekolah Menengah Kebangsaan (SMK) St Bernadette's Convent kerap ditenggelami banjir kilat walaupun hujan tidak sampai 30 minit.

Banjir itu sekali gus menyebabkan kesesakan lalu lintas.

Seorang penduduk, Muhd Faezan Nor Ajlan, 25, berkata, masalah banjir dipercayai berpunca daripada limpahan Sungai Resam.

Menurutnya, sistem paritan jalan dan pembetulan kecil turut menjadi punca banjir kilat.

"Selain itu, longkang di tepi jalan terlalu cetek mengakibatkan ia tidak dapat menampung air yang ba-

nyak," katanya.

Rakannya, Abdul Rahman Ali, 30, berkata, sebenarnya masalah ini sudah kerap terjadi apabila hujan. Jalan Pusing tidak boleh dilalui dan kami terpaksa menggunakan laluan bertentangan

hingga mengakibatkan kesesakan lalu lintas.

"Lebih teruk lagi, apabila banjir berlaku pada waktu murid sekolah pulang waktu tengah hari atau petang," katanya.

Menurutnya, masalah banjir di Jalan Pusing itu sudah lama dilaporkan kepada agensi dan jabatan berkaitan, namun belum ada tindakan drastik diambil.

Sementara itu, Yang Dipertua Majlis Daerah Batu Gajah (MDBG) Datuk Jamry Sury berkata, masalah banjir kilat berlaku akibat Sungai Resam yang cetek dan tidak dapat menampung aliran air.

"Sebelum ini kami pernah minta Jabatan Pengairan dan Saliran (JPS) mendalamkan sungai itu, namun difahamkan JPS tidak mempunyai peruntukan.

"MDBG dan JPS akan bekerjasama memperbesarkan longkang dekat Jalan Pusing yang mengalirkan air ke Sungai Resam," katanya.

FAKTA
MDBG, JPS akan bekerjasama memperbesarkan longkang